



## HISTOR

*Eus ar Malheur erruet gant un Den-Yaouanq,  
pehini a voa cri eus e Dad hac e Yam.*

*VAR TON CANTIQU AR BLASPHEMATEUR.*

1.  
**S**ELAOUIT oll, Bretonet, m'o ped, còs ha yaouanq,  
Hac e clélot un exempl meurbet zo estonant,  
Hac ouspen eo profitabl d'an oll nobl ha partabl,  
Da derri ar goal habitud zo etoues peb seurt stat.

2.  
Neus-cari den n'en deve pepini e banchant,  
Qercouls goaset ha mere'het nombr bras assuramant,  
Pini so'r pec'het horrubl hep ma sonjer' ve drouc,  
Hep comz ma en o guinou, guelel e rêr partout.

3.

En pep fêçon ve gante ar pec'het deguizet.  
 Ra zeuin evel eur maout pe vel demezelet,  
 Mallos Doue, blasfêmi, an diaoul d'o dêvi,  
 Dra vin dall, pe drouc-speret, pe' zîn evel eur c'hi.

4.

Qent ma zomp prest da ober un dra pe un affer,  
 Comzou infam ha lubriq a leveromp bep guer,  
 Hep sonjal en ur pec'het e formomp ur chaden,  
 Ma ne guitaomp an habitud e rayomp d'an ifern.

5.

Evit donet d'en terri, deuomp da gonsideri  
 Ar pez a zo aruet a neve en Guintini,  
 E qever un Den-Yaouanq a voa atao e coler :  
 Ra zeuin evel eur c'hi a lavare bep guer.

6.

Un habitud qemeret voa qementse gantân,  
 Qement comz a hrononce ne glêvet qen quntân :  
 Pe vat pe zrouc a raje, horrubl eo compreni,  
 E lare : mar er grân-me, me yel evel eur c'hi.

7.

An den yaouanq-mâ savet demeus eur famill vat,  
 Hac evel calz, hep respet nac evit mam na tad,  
 Dre gomzou caër a dennas digante o moyen,  
 Ha goude' voent reduiset da c'houl an alusen.

8.

O sonjal vije furoc'h pa vije etablisset ;  
 An daou baour-qès còs-màn o deveus bet cedet  
 Qement aparchante oute d'o mab dirac noter,  
 Goude e rencjont souffri an naon hac ar viser.

9.

Vel ma voa laqet da vestr, e commanças timat  
 Da c'hourdrousi ha da sqêi gant e vam hac e dad,  
 Dont da alc'hoea ounte bete memes ar bara,  
 O sonjal o laqaje gant naon da berissa.

10.

Hep gallout, ar malheurus ! pelloc'h o zuporti,  
 E renq an daou baour-qès còs monet ermes an ti,  
 Lezel gantàn o moyen ; ô pebes nec'hamant !  
 Ranqout clasq an alusen ha mont en un toul camp.

11.

Evca m'en doa moyen ar c'hrouadur ingrat,  
 E voe deàn proposet da zemezi timat ;  
 Ur plac'h gentil a gavas, honest, fur ha prudent  
 Dre aliou tud vechant aneàn voe contant.

12.

Souden e voent demeeet. Pa voe deut an termen  
 Evit ober an eured, sious, pebes anqen  
 O devoe tud an eured, hac ar plac'h e bried,  
 O velet ar malheurus e pe stat voe laqet.

Qant evit ma héureujas ar plac'h a lavaras :  
 Na zemezin qet deoc'h ma na ve var ar plac  
 Ho tad hac ive ho mam assambles gant va re,  
 Evit réi d'emp o bennos da veva en graç Doue.

An den miserabl neuse a gavas digare :  
 Va zad, va mam a zo côs, leun int a baourente ;  
 Hac oùspen int chomet clân var o guele meus clêvet,  
 N'en dê qet un domach bras pa vent o daou crevet.

Ar plac'h, terrubl estonet, a respont promptamant :  
 Birvigen chanç n'or bezo, comz a rit insolant.  
 Dre'r bêvaré gourc'hemen Done en ens commandet  
 Enori an tad, ar vam, ha dougnen dê respet.

Chanchit propos, emezàn, m'o ped hac ho supli,  
 Mar deu ar re-se d'am eured me yêl evel eur c'hi ;  
 Ne foç qet din e lare o tud vent amposohet,  
 Ma teufe'n daou lous côs-se d'aparissa em eured.

Evel pa vije'r miracl, Doue ractal a bernet  
 E teu an daou baour qès côs d'aparissa er banquet ;  
 Siouas, o mab libertin, horupl ê compreni,  
 Pa voa guir vella'r banquet e za evel our c'hi.

18.

Alies epad e vut en devoa goulennet,  
 Vel ma voa e habitud beza er stat-se laqet;  
 O vea leun e vusur e voe diffiguret,  
 Nemet e ben, e visach, e form eur c'hi barbet.

19.

M'o les da gonsideri pebes spont hac eston  
 O devoe tud an heured, crena rê o c'halon  
 O velet eur seurt torfet êruet en o fresanç :  
 O pebes tristidiguez e lec'h rejouissanç!

20.

Hep na debri nac eva e ehomas er stat-se  
 Er spaç eus a no devez o sonjal nos ha de;  
 P'eo bet holonte Doue eo êt en eur seurt stat,  
 O vea cri ha dinatur eus e vam hac e dad.

21.

Dre ma voa calz a famill a bedas evitan,  
 Doue hac ar Verc'hes Vari da rêi ar c'hraç dezàn,  
 Goestet voe d'eur plaç devot, varben an no devez  
 E teuas d'e stat adare, dre voyen ar Verc'hes.

22.

Setu aze eun exempl hac ouspen eur miracl,  
 A zo meurbet profitabl d'an oll, nobl ha partabl,  
 Da derra ar goal habitud, da enori mam ha tad,  
 Vit caout recompanç en ên digant hon Doue mad.

A M E N.



## G U E R Z

VAR SUJET DAOU ZEN-YAOUANQ MASQET.

*Var un ton ancien.*

1.

**S**PERET-SANTEL, me ho suppli da rêi sclêrijen d'am  
speret,

Evit disclêria eun exempl a zo pitoyabl meurbet,

Erruet gant daou zen yaouanq, a voa o daou o c'heva

Ebars en eun hostaliri da volarje diveza.

2.

Daou zen yaouanq a galite pere n'anvàn qet amàn,

A voa o daou o tebochi, siouas, et var ar bed-màn!

Na pa voant da vea meo, ma zint en em goncluet

Da guemer eur vascaraden da vont en nòs da redec.

3.

Possedet e voaint o daou, siouas gant an drouc-speret.

Ar c'henta croc'hen eun eujen var e guein en dens laqet,

Hac eguile croc'hen eur c'haor, na ma lerjont neuze;

Ni a zo bremàn diapulou da renta brezel da Zoue.

4.

Mont a ra an daou zen yaouanq ebars en gêr da redet,  
 Hac unan demeure aneze en deveus bet rancontret  
 Eur bêleg pihini a zougue ar sacramant dereat bras,  
 Evit cas da eur paour qez coz pihini a voa fall bras.

5.

Heuliet en deus ar sacramant bete ti ar paour qez clân,  
 En toul an nor e zeo bet chomet ma neveus lavaret deân :  
 Me zo an diaoul, emean, a zo deut da dal da dy,  
 Hac en instant ma vi maro da ene a yel ganén.

6.

Ar paour qez clân en e voele en em laqa da voela,  
 Ar bêleg ous e gonsoll en deveus lavaret dezân :  
 Tavit, va mignon, emean, tavit ha na voelit qet,  
 Unan eus ar vascaraden zo deut envoas d'o quelet.

7.

Ar bêleg ous en em distrei ous an den milliguet-mân,  
 Gant an hosti en e zaou zorn e deveus lavaret deân :  
 Lam da vasq divar da visach, sete amân da Zoue,  
 Ha gantàn te vo punisset gent ma vo varc'hoas an de.

8.

Hac én en em distrei neuse gant eur zellou arrogant,  
 Gant comzou vil ha disonest eus Jesus er sacramant :  
 Me zo un diaoul, emean, un enemi bras da Zoue,  
 Hac a rento deân brezel qercouls en nos hac en de.

P'en devoà laret e gómzou evel eun den arrajet,  
 Er mes an ti neuse soudan var ar ru é sortiet;  
 Mes pa yas en avis crial e sant e voad o yena,  
 Maro-mic é, var ar pave, siousas, é deut da goea.

10.

Eguile gant croc'hen ur c'haor dre ruyou qer o redet,  
 A rancontras e gamarad na var ar ru gourveet :  
 Me zo ré hardi, emean, va c'hamarad, da sponta ;  
 Na c'heus bremâ nemet sevel, ha ni yelo da eva.

11.

Caer en devoa emañ guervel e gamarad milliguet,  
 E vâsq a lam divar e visach o sonjal gonell e velet;  
 Mes pa velas e voa maro, e galon a zo rannet,  
 Ma tolas eno ar c'broc'hen, hac eus ar vro é sortiet.

F I N.




---

E Montroulez, eus a Imprimeri LÉDAN.